

03 藏水沫

許嘉勇

臺灣的熱人，正經是熱甲予人叫毋敢，穀雨風透過，就開始大勢熱矣，人若跔佇外口，定定攏會感覺誠齷齪。阮阿母講伊這個人上驚熱，便若到熱天時，伊不三時都想要守跔冷氣房內底納涼。啊若阮因仔人，熱人上向望的就是會用得去沐水囉！

講著沐水，老師捌講阮國校出業進前，泅水愛有才調通過十五米的檢定。一年仔開始，阮阿爸歇熱攏有炃我去學泅水，這馬我已經略仔會曉泅囉！往過我攏毋敢共頭浸落去水裡，毋過自從我毋驚水了後，見若去到游泳池，我就隨共頭栽入去。因為我對水裡的世界誠好玄，想欲知影彼內底到底是生做啥物款。

我印象上深的是頂改阮去澎湖七美藏水沫，彼擺 tú-tshian 阮母仔伊人無方便，所致伊無落水。伊共我鬥穿彼軀沫水的衫，穿好勢了後，一直呵咾講實在誠古錐。不過彼領沫水的衫綑擋擋，挂穿的時，我規身軀予伊繡甲強欲袂喘氣，無疑悟一下落水，我規个人講攏浮起來囉！佳哉阿爸佇下跤共我掠咧，若無，我會驚甲半小死！

我驚我萬不二若沉落去海裡，會去鑿著海膽。頂一改阮去小琉球，有看著彼海膽烏 mah-mah、軟 sô-sô 閣黏

thih-thih，足癩 的。好得佳哉，這遍完全無看著！這幫阮有看著海星、海參，閣有足濟款細尾魚仔。救生員閣提一塊 siök-phâng 予阮去飼魚仔，我若裂一片仔因擲落去，規大陣的魚仔隨泅過來相爭食。

除了魚仔以外，阮嘛有看著足濟珊瑚的。彼珊瑚有幾若種，五花十色，逐種都足婧的，活跳跳，有影會喘氣呢！阿爸捌共阮講過，講珊瑚死去了後的石頭會當用來起厝，毋但佇澎湖的社里誠四常，咱臺灣誠濟倚海的所在，到今嘛攏猶看會著這種用「硓砧石」起的厝宅。

這逝去澎湖七美藏水沫，雖然坐船愛坐足久的，毋過有影誠好耍。我共阮阿母講，後一遍伊袂用得閣阿婆仔闔港囉！都合若有挂好，定著愛俗阮做陣落來去海裡藏水沫，欣賞海裡的好景緻。

04 葡萄的滋味

陳桂慧

溪湖出產葡萄，阮阿公、阿媽嘛種足濟葡萄，遐的葡萄栽是個一様一様種落去的，袂輸共葡萄當做是心肝仔寶貝咧照顧，逐工天貓霧仔光就出門去園裡，一直無閒到日頭落山才甘願欲歇睏。

阿公常在共我講遮的葡萄是咻牛奶大漢的，我叫是伊咧恰我滾耍笑，有一擺歇睏日去葡萄園鬥相共才知影，為著欲予消費者食著安全安心的葡萄，阿公攏用鋤頭剷草，毋捌濺除草劑；為著欲有好食的葡萄，伊攏用上天然有機的牛奶肥。遮爾仔用心咧種作，生產出來的葡萄品質當然嘛是一粒一的！

毋過阿媽定定講：「作穡人，看天食飯。」正頭仔的葡萄十二月尾催芽了後，上驚開花期受著寒流的損蕩。若是好運無受著任何損害，新曆三月就會當看著一掯一掯青籠籠的葡萄，一工比一工閣較大粒。一直到四、五月開始沓沓仔轉色，一粒一粒那來那紅，紅甲反烏金仔烏金，這時就會看著阿媽歡喜甲喙笑目笑。開始收成的時，阿媽會共上嫡的彼葩葡萄挽落來拜拜。我誠好玄一直問，伊講：「食果子拜樹頭，感謝天公伯仔庇佑，咱才有好收成。」

葡萄收成的時轉去阿公、阿媽遐，倚佇葡萄園，擰頭

看棚頂，已經到分的葡萄袂輸一掯一掯的烏真珠。我上愛踮葡萄園裡現挽現食，鼻芳芳芳的葡萄味；相上烏金、上大粒的剪來食，共皮擘開塞入去喙內，規喙攏是甜甜甜的葡萄味。Mh！現挽的有影上好食！若是熱天時仔，我會共葡萄園入去冰箱冷凍，隔轉工，葡萄就變做葡萄冰，這種天然的好滋味會予人一粒繼一粒、心涼脾土開。看我按呢，阮阿母攏笑講我是歪喙雞食好米。

讀國中了後課業重，無通捷捷轉去食現挽的葡萄，阿媽疼惜阮，會專工揀婧閣甜的葡萄寄來予阮。葡萄箱仔一下掀開，uh！芳貢貢的葡萄味衝起來，袂赴洗就先掣一粒來食。食佇喙裡的葡萄，除了記持內底彼種脆脆清甜的氣味以外，閣有阿媽對阮的疼心，葡萄的滋味實在幸福無地比。